

觀

象

玩

占

觀象玩占卷之十九

張宿

總敘

張六星爲天府一曰御府一曰天昌是爲朱鳥之喙火星也主天  
廟明堂御史之位金玉珍寶宗廟所用之物天子內宮衣服遠  
方貢物之庫主天廟飲食賞賚之事又主張養萬物其北十三  
尺爲日月五星中道張星明大則人主昌天下治民物阜蕃五  
禮修厨養具暗小不明則五禮失天子多疾病少子孫移徙則  
天下有逆民蹠聚則兵起失色則宗廟不安明堂禮廢動搖

則賜與之令

日月變異占

日在張食王者失禮于宗廟甘氏曰戒在山澤汙池之臣也石氏  
曰后失勢貴臣憂期七十日荊州占曰財庫官黜密曰掌御  
膳者憂之

月暈于張財寶大黜將相憂其分君凶

月在張食大水魚行人道甘氏曰后失勢貴臣凶郝萌曰其地旱  
人相食石氏曰虞人有黜者

月暈于張大水黃帝占曰蜚鳥多死郝萌曰其地旱陳卓曰五

谷及鹽貴一日法官無定巫咸曰宮中多疾疫后妃惡之一日  
海鳥出

月變于張天子慎飲食

月宿張而霧王者惡之

月五星干犯占

月犯張郝萌曰將相憂國有憂一日責人失勢后有憂一日其分君  
憂武密曰大臣有生罪者一日有嚮客虫蜚多死

歲星守張三十日以上至百日陰陽和歲大豐君臣同心天下大  
平武密占曰木守張十日年豐三十日不去天下安寧甘氏曰

木守張一年天下升平七年石氏曰木守張人多疾疫郝萌曰  
木守張南地動六畜貴守其西大水守其東大旱又曰國政  
急民有千里之行曰貴人死

木入張石氏曰歲豐天子有慶賀事巫咸曰旱萬物不成多大  
災

木出入留守舍張三十日不下有兵六十日不下更立侯王

木居張歲和熟

木逆行張人君衣服非度好樂淫泆郝萌曰有反臣兵起逆行守  
人疾疫多心腹病

木犯張王者政令急民有千里之行

木與土合張荊州占曰歲不和貴人多內喪一日大水六年郝萌曰天下有變民憂盜賊後且大旱一日易政民流千里

熒惑守張石氏曰天下有歸兵一日國治宗廟封功臣久守之國亂其分有兵未貴黃帝占曰大將有千里之行大水五穀貴一日土工作役不時百姓怨誹春秋考異部曰諸侯謀反一日政不平民多訟雨暘失時谷水不通歲凶一日君不恤政事政急民饑有千里之行郝萌曰有反臣中兵起石氏曰女主用事兵起宮中荊棘又曰國食空巫咸曰有大客遠來

火入張石氏曰大亂兵起若以六月入之國空至咸曰火入張君有  
觴客之事南宮侯曰火入張而守之國有急兵甲聚大人憂  
將軍死

火逆行張郝萌曰地動有大災陳卓曰功臣憂

火逆行犯乘張黃帝占曰大亂兵起

火中犯乘張黃帝占曰有水災谷貴

火與張合其國不可舉事用兵必受其殃

火犯張而守之天下有兵宮門閉天子有急五谷不成人饑故

曰火犯張人絕糧

火出張中大旱五谷大貴

火留張臣下衣服失度甘氏曰焚惑失次序守張當去不去未當  
來而來其色大赤其國舉兵從之得其次者無咎

鎮星守張甘氏曰天下大通不用關梁一曰天下和平宮中有喜一  
曰土守張天下道路不通婦人多死二曰多盜賊人民變惡兵大  
並起巫咸曰土守張三日其事微三十日其事大其國諸侯有  
謀大臣伏法死石氏曰五谷不熟人多病却萌曰有反臣中兵  
起南官候曰土工興

土出張兵起北方東國失地



土人張文錄曰兵起一日梁宋之間有凶乙巳占曰天下大道去阻塞  
閑梁宗室惶惶

土出入留舍張為陰陽晝民流千里石氏曰魚鰲死于陸道民憂  
盜賊郝萌曰兵盡出土工大興在秋冬仲月一日處其陽大旱  
處其陰盜起人疫

土逆行張石氏曰女主亂朝郝萌曰女主飲食不度逆行犯守張  
女主荒宴宮中無禮

太白守張石氏曰國易政天下搔動巫咸曰多水災五谷不成一  
曰其國有兵謀不成天下以發兵甘氏曰兵起不行一日先旱後

水民饑南宮候曰爲反臣中外有兵一日下凌上君弱臣強姦

臣賊子謀弑其君一日人多病狂

太白乘犯張守之三十日以上至七十日巫咸曰將軍內反賊臣在側  
太白中犯乘張石氏曰兵車滿野有亡國天下易政

太白出入留舍張兵起于其國

太白提張出入相擅權謀主

辰星守張天下大水有兵人多病死甘氏曰貴臣專國天下不寧

巫咸曰五日五穀萬物不成郝萌曰有反臣中外兵起又曰夏

麥不收大饑民多訟爭一日有更令

石氏曰辰星守張若有芒角有臣傷其君色亦有兵為諸侯之客于宮中若庖厨之間其君傷色黑防飲食中有置毒者水逆行守張人饑且病

辰星出張中有叛臣入張有火

辰星守張之郊陽萌曰是為水入火為逆理犯上天下不安下謀上多聞說君有疾

客星流星彗孛干犯占

客星守張天下饑國更主人民散走一日糴貴在張中貴百倍天下人流亡石氏曰周楚有隱士或曰外邑有變海中占曰客星

守張滿三十有亡國死王臣謀逆小人謀貴禍及嗣子期三年  
邾萌曰先起兵者利後起兵者不利一日食中有毒一日有  
米獻食物者天子酒大出一日天子以憂敗弓矢貴國人  
主憂

客星出張白衣同姓有自立者天下更令有徙民君使人干諸  
侯

客星出張中其色黃君好畋獵色黑君死一日客星出張兵起  
國饑

客星入張君有賜 客星之事一曰使客來以五色占之石氏曰

國治宗廟二十日有憂男子急巫咸曰米貴人徙郊萌曰諸侯有使來賂遺君近臣者荊州占曰政急人苦民死邊塞客星犯張天子以酒為憂

客星舍張不去前將軍有陰謀兵起

流星入張諸侯有來貢者一日天下更令有徒民天文論曰有犯上者近臣憂

流星出張諸侯有受賜者

流星出入張天子以宗廟社稷事肆赦

流星犯張厨官有事一日病春夏二季犯五谷不登秋冬犯大

水鹽貴

流星抵張巫咸曰厨宰受賜

彗孛出張石氏曰天下大亂王者徙宮天下半亡人民惶惶不

能聊生甘氏曰其國内外用兵有水災乙巳占彗出張大旱

谷石三千

彗孛犯張天下民半死

彗出星張間狀如炊火熒惑之變也為兵災

蒼白雲氣入張廷中觴客有憂變出禍除

赤雲氣出張天子用兵賜物

赤雲氣入張揚入張天子宮中火災

白氣入張大客有憂

黃氣潤澤入張天子有喜賜客

赤黃氣入張有憂出張天子用兵

黑氣入張徘徊而散其分有水災

黑氣入張而轉繞之或如刀劍刺之天子防客

黃白氣出張天子使使賜諸侯

翼宿

總敘

翌二十二星曰化宮一曰天都市一曰天除一曰天旗土星也是為朱雀之翌為天之樂府主和五音調六律五樂八佾以御天南宮之羽儀文物聲名之所豐茂主三公化道文籍及蠻夷遠客負海之賓俳優伏是戲娛之事其北上有十三尺為日月五星中道其星光明有敘則君臣賢禮樂興天下平四夷率服星暗大小失次則帝王失禮王道不微動搖則有蠻夷之使來蹴聚則天下相伐移徙則三公廢離徙則民流失色則日月五星亂行星芒則化道不行文籍壞滅明大芒動王者用兵征伐四方



日月變異占

日在翌食大臣相諧正言者亡不出期年黃帝占曰歲旱石氏曰王者失禮宗廟不親姦臣得志化道不行文籍壞滅日暈于翌禮樂壞弛人主惡之

月在翌食忠臣誅一曰正言者殃北夷有兵女主亂化道不行文籍滅一曰婦女多死一曰后失寵蜚蜚至死一曰將亡

月暈于翌郝萌曰大旱有大風女主惡之黃帝占曰士卒多遁走陳卓曰士卒大聚亡其將荊州占曰天下兵起庫兵悉出一曰有軍軍罷巫咸曰士卒大聚有大戰民去室宅車

馳馬走貴人多死京房曰軍在外失偏將天文論曰多風雨霧

郝萌日月以二月暈翌則五月有赦

月變于平翌有猷異鳥者

月行宿翌而霧女主惡之

月五星干犯占

月犯翌太常官憂一曰其分兵起有喪郝萌曰有兵大將戰死  
又曰女主惡之一曰相傳命一曰蠻夷兵起蜚虫死黃帝占曰忠

臣相階言正事者亡

歲星守翌王者大興賢者進用久守之五谷不成人流亡石氏  
曰有兵若大水曰川枯不通一曰不守翌有賢臣出佐主一  
曰聖人起伐無道荊州占曰文術用天下安乙巳占曰歲和  
谷熟郝萌曰木守翌南六畜貴守東魚鹽貴守西不占  
守北五谷災海中占曰木處翌東瓦器貴處南車貴

木逆行翌其君好淫樂迭遊致患 木守之王道興文士用

木逆行入翌甘氏有海客來郝萌曰海有急國憂

木出入留舍翌荊楚有急多虎豹六十日不下小人功郝萌曰

其國亡也六千里

木入翌石氏曰五谷以風傷期一年犯之則人流亡其在歲中

災或守翌天子懦弱臣下不用命五谷不熟久守之人饑魚鹽  
貴兵甲聚人多死石氏曰大旱萬物不成天下傾兵一日先  
後旱布縷大貴雨暘不時人病頭目郗萌曰有反臣陳卓  
曰多盜賊川谷不通民人交惡曰有大風有急事南官侯曰  
谷貴民流蛇龍見有亡國一日佞臣亂政車騎大集歲風  
云云一日負污國不氣奇矣

火入翌荆州占曰四海大兵民饑無食車騎何極民無所息郗萌  
曰天下有急國憂陳卓曰將軍為亂南官侯曰魚鹽倍貴

一曰國有大徭民勞石氏曰大入盟守之四月楚君死十日相死火守之主弱臣強五穀豐

火逆行盟不出其年兵起天下大擾荊州占曰邪臣專朝政亂忠臣不進忠一曰有大災留之二十日以上國有大喪

火留盟南官侯曰臣<sub>下</sub>淫洗

火出入留舍盟鄰萌曰使者有急事兵起

火逆行盟成勾不出九十日兵起國亡

火犯盟兵大起而守之臣下送命天下大亂大饑大疫大戰四海

洵洵有亡國死王

鎮星守翌君明臣賢六合同風天下和平禮樂大興守之一年歲  
豐十年若先行或變色則有土工有反臣中兵起多水災萬  
物不成乙巳占曰土守翌后夫人有喜與大同占

土逆行守翌有反臣中外兵起 土守之天下安三年不去三十年大熟  
太白守翌石氏曰萬物不成人流亡至咸曰有反臣中兵起多  
水災一曰臣子有懷逆者石氏曰太白守翌三日以上臣不  
臣郝萌曰四夷兵起五谷風傷民多疾一曰魚塩貴王曆曰  
有急事有大風齊伯曰臣不奉令人主憂黃帝占曰易史  
臣行主令兵四方

太白入翌荊州占曰天下兵塞

太白出入留舍翌大風起大水出都萌曰君不平

太白去翌一尺海中占曰太白陰也陰來付陽秦當朝楚

太白舍翌都萌曰有客舍左旱右兵起

太白犯翌四夷兵起民疫死有大風五谷傷若勾已環繞之臣

奪主國

金守之兵起臣子逆命魚鹽貴

辰星守翌魚鹽貴守其南牛畜貴守其西金玉貴守其北  
五谷災一曰貴臣憂失國民饑流亡石氏曰辰星守翌北爲  
逆禮必水有水旱之災天子大臣俱憂又曰萬物不成鹽大

貴牛馬行甘氏曰大水兵起辰星色白京師兵起色黃事  
成色事不成海中占曰大水災在北方郡萌曰多大災在死  
方荊州占曰近臣爲亂有亡國民流千里龍蛇出見陳卓曰  
王者有疾期不出期年中一曰權在臣下歲多大風乙巳占  
曰大臣憂星入其度當位者宜退之

水入翌中兵大起

水犯翌臣作亂陳卓曰其地荒

辰星一年不出而出於翌軫人主死

辰星之翌有賢臣在民間



水與翌辰出東方夕見西方大臣有誅者一日同出西方大臣

憂

水守之貴人憂人饑亡國亂

客星流星彗孛干犯占

客星出翌石氏曰君遣使人于負海國至咸曰將軍反兵起大戰同姓諸侯有自立者又曰邊有大兵急天下大水傷五谷人流亡去其鄉期三年 客星守之大水權臣亡兵大發

蒼星出翌五谷風調

客星犯翌乙巳占曰國有兵大臣憂遠期八十日與流星占同客星出入翌多風雨河決水且至道不通五谷不成人流亡

負海客有使來曰大臣憂

客星守翌君弱臣強四夷不王邠萌曰將軍及曰國亡更服一  
日邊臣有戰一曰兩傷五谷有大風名山崩荊州占曰大饑  
南官侯曰權臣止羽毛旗貴乙巳占曰大星守翌大水江海決  
溢道路阻塞魚鱉稿死於陸

流星犯翌國用大兵大臣憂遠百八十日秋冬犯之土工用

流入翌負海國使貢奇禽色黃卽至色青病黑道死一曰流星  
出入翌有矢士入見一曰貴臣有囚繫者

流星抵翌天子下尊諸侯期百八十日

流星出翌有兵出一曰天子使使出求夫乙巳占曰滿國受  
恩賜

流星經翌声如雷禁中起兵軍破民流

彗字出翌禮崩樂壞國以兵亡乙巳占曰其國以水饑流亡有  
兵君有喪所指有降者其五年

彗字犯翌有兵人主出降期一年一曰天下皆謀上國有大喪人  
主亡兵大起

彗出翌東之間國有大喪人主死亡天下謀上有大兵期不  
三年雲氣干犯占

赤雲氣入翌有暴兵入國境

赤氣入出翌其國兵出隨氣所之

黃氣出翌天子使使干諸侯

蒼白氣入翌太常之官憂

黃氣潤澤入翌諸侯貢物

黃白氣入翌外國入貢曰白氣

黑氣入翌正抵其星三夜不去宗廟有大人憂兵大起

軫宿

總敘

軫四星天車主車騎任載賊盜戰伐之事亦為喪車軫  
輜主死喪有軍出皆占于軫四星為天輔冢宰之官  
主察殃咎知凶灾水星也主風其右星北上十三尺為日  
月五星中道軫東一小星曰左轄西一小星曰右轄左轄主  
同姓諸侯右轄主異姓諸侯一曰北星曰轄南星曰膏皆  
去軫七寸一曰轄去軫五寸膏去軫一尺軾中一小星曰長  
沙為棺木主壽命人主昌軾星明大則法駕備車馬  
用移徙則天子憂蹴聚則兵起動搖則車騎動轄  
星欲其近軾去軾近則上下和睦遠則君臣相疑七寸

以上為近一尺以上為遠轄欲小而明不欲大而明則國祚安明而大與四星等則兵大作微暗則諸侯有憂星亡則天下亂軫近轄則車騎罷遠轄凶若轄舉南夷有侵界一曰軫無轄則國有憂一曰長沙小而明則人主壽微暗則主則憂明大與四星等則臣下有謀逆兵作亡不見則人主惡之

日月變異占

日在軫食貴臣亡后妃不安巫咸曰太子憂不則諸侯戮海中占曰侯王將相有殃甘氏曰戒在主車駕之臣一

曰國有喪

日暈于軫王者悲之一曰內兵起太子憂

月在軫食貴臣死后不安其分有不從令者郝萌曰車  
騎發又曰主駕之臣有黜者

月暈軫宿黃帝占曰大將戰亡一曰兵起歲早大風傷物武  
密曰大臣黜一曰諸侯盜兵夷狄入境

月暈圓軫三重戎狄滿野庫無留兵廐無繫馬

月暈軫及角大赦

月以二月暈軫至角五月有大赦

月以正月暈軫郝萌曰大飢公子亡車責

月以四月暈軫天子有德令

月以十二月暈軫內兵盡出一曰兵在外則罷

月宿軫有風起

月犯軫兵車用郝萌曰其國有憂有喪乙巳占曰車騎

出不出一年

月入軫中大風為敗

五星于犯占

歲星守軫國有喪甘氏曰國君有疾天子修宗廟海



中占曰主車者有罪郝萌曰有土工旱萬物不實人  
饑一曰舟楫不通

木守軫處其南六畜貴處其北五穀貴處其西有水災有  
女喪處其東米貴

木守軫若久則有大喪郝萌曰木守之七日不移則  
有赦

木守軫中天下多死喪兵火並作荊州占曰其分  
將亡

木守軫巫咸曰人多疾天文論曰人主惡之宜

脩宗廟有赦海中占曰天子不恤孤老大臣背  
叛師旅大興

木在軫王者憂疾國有喪不出九十日一曰處其北多疾  
病處其南車革貴

木星逆行軫多火災郝萌曰人主喪服不謹若逆行守之其  
國有喪人主憂

木逆行入軫中若守之兵大作有大水大旱人疫天  
下更主

榮惑守之兵作將軍憂天子代位石氏曰其分有兵天子車駕

凶若有病大臣戮死青絳布帛皆貴郗萌曰有反臣中  
外兵起荊州占曰有戰天子軍敗巫咸曰旱川枯不通萬  
物不成多火災一曰火守軫居其南人多病居其北人多死  
火以十月守軫三十日以上兵大起車騎悉發若入居軫中天下  
人盡供軍事無居家者以芒角赤怒天下大囚

火入軫兵大起石氏曰楚軍死甘氏曰有負海客至郗萌曰大水  
車貴陳卓曰國有大喪將軍死南宮侯曰水旱並起天下  
動擾妖言無實國政數改士卒疲勞有咎天文論曰將軍  
為亂一曰邊兵起

火出軫南人多病出其北人多死都萌曰火出軫陰兵起出其陽乍東乍西遠去之其國小憂去而復還國有大憂近期一年中二年遠三年

火行軫左負海國有殃行軫右中國有殃

火逆行軫多失火

火逆行入軫名曰經天國敗人亡哭聲滿野其分厄其

火自兩角逆行至軫天下道絕不通行而出其南人多病出其北人多死出其陰陽國戰勝出其次、國戰勝

火在軫不可為人客星有殃罰當死

火犯軫大臣戮死

火犯守軫環繞之成勾已天下兵起主命者惡之一日大臣欲謀君大人憂不出其年若入軫中有亡國

鎮星守軫甘氏曰土工興有白衣會亡地不出其年石氏曰兵

大起久守之五谷傷荊州占曰后憂

土入軫中若守之兵大起國憂川水竭禾稼死人饑流期二年

一日土入軫中有起兵者自敗

土逆行軫石氏曰女主持政喪不謹其貴親坐之

土起角逆行至軫其下國戰不勝

土出入留舍軫大旱五谷傷六十不下江河皆竭不出三年

有大喪

土出軫而留守之大旱大饑兵起

土中犯來軫國多死喪有土工兵起人主惡之

太白守軫黃帝占曰將軍為亂車騎大發甘氏曰將軍死海

中占曰四夷兵大起南官侯曰亡地千里有大喪有謀伐

上者郝萌曰有死王吳楚有憂

金犯軫將軍為亂臣謀君貴人死于兵去之一尺天下大饑期

不出百十日一日兵起西方

金入軫兵大起國易政士卒遠征將軍受封乙巳占曰有自來  
侯王受命于王者

太白出入留舍軫秦兵入楚國亡地有死君

太白逆行軫其國亡地逆行入兵之亦曰經天其國兵亂積尸

如山

辰星守軫水傷五谷黃帝占曰天下大疫貴人多死國有喪

石氏曰萬物不成一曰有反臣中外兵起一曰軍騎用執法

臣凶玉曆曰天下人多疫死北方為甚

水入軫兵大起

水入軫中而守之兵起大戰破軍殺將天下驚駭守之二十日  
以上色赤芒角數十萬人戰有流血積骨其餘殃不盡為大  
水大饑山崩河決期二年

客星流星彗孛干犯占

客星出軫輕車出石氏曰天子使人以車賜諸侯一曰白衣自之  
大國有喪兵起有亡國期不出一年遠三年

赤星出軫國兵起

客星入軫經車入石氏曰諸侯有使來以車為弊却萌曰土工  
興五谷大貴無處車留馬



客星守軫天下人災兵起車馬有急行一曰車馬貴石氏曰  
川谷不通甘氏曰國有自立者一曰小國自立者大國多大  
害一曰天下有名山崩大川溢出地有土工糴大貴邊地有  
大兵軍吏憂星色赤黃有外憂蒼黑內讒臣

客星犯軫車馬貴海中占曰有兵喪一曰邊兵起

客星入軫犯長沙天下無處士有逃亡出之則兵散

流星犯軫有大喪兵起庫藏空春夏犯皮革貴秋冬犯水旱  
不調

流星出軫內使出入以色占之

流星入軫其國兵起有喪色赤黑大臣憂色白相死近期半年  
遠一年

流星入軫長沙天下有兵逃亡地

彗字出軫天子崩兵滿宮闕一日臣犯上天下兵起三公有與  
主共死者一曰天下有走王巫咸曰民無定居期三年中五  
年遠九年

彗字犯軫天下兵起有大喪近其百八十日遠一年  
亦彗犯軫人主以五無禮失國

雲氣干犯占

蒼白雲氣入軫王者不可行幸宮觀出之其禍除

黃白雲氣潤澤入軫諸侯入貢以車為葬出軫天子以車賜

諸侯

赤雲氣入軫兵從中起

赤雲氣如波揚入軫庫火災兵且起有大喪

蒼雲氣圍軫亡國之戒

赤雲氣出軫將出兵行

白氣入軫有大喪

黑氣入軫大人憂

黑氣如鼠入軫中天子有墜車墮馬落床之厄  
黑氣四散入軫若四繞之天下大水車不用

觀象玩占卷之十九終

觀象玩占卷之二十

太微垣

總敘

太微宮垣十星在翌軫之北天子之廷上帝之所治曰天庭曰保舍五帝之座主諸侯之府其外蕃九卿也軒轅為權太微為衡、者主平之器太微天子常治理法平亂命功授德列宿之所受封符諸神之所考節舒情稽疑順時施化以應天下之所也巫咸曰太微土官也黃帝占曰太微東西蕃各四星南北列蕃南端第一星為上將北間為太陽西門門北一星為

次將北間為中華西門門北一星為次相北間為太陰西門北  
端一星為上相東蕃四星亦南北列端第一星為上相北間為  
太陽東門門北一星為次相北間為中華東門門北為次  
相北門為太陰東門北端一星為上將其南蕃兩星東西列  
西星為執法東星為左執法西執法之間太微天庭端門也  
右執法西間為右掖門左執法東間為左掖門右執法御  
史大夫之象左執法廷尉之象主刺姦去惡十星齊明則將  
相同心天下治安差戾則輔臣乖違不明則失職動搖則諸  
侯謀天子芒角則大臣專恣執法怒則威刑急移徙則刑

罰不忠

月五星干犯占

月入太微荊州占曰宮中有亂有所犯則隨其所中之官命之  
黃帝占曰大臣憂亦為后族擅權却萌曰君弱臣強四夷  
兵起有姦人伺主之亦曰有喪

月入太微中四夷有詐不可信曰有欲不受命者又曰大臣不  
死則有憂

月入太微中華東西門若左右掖門而出端門皆為有反臣五星

同

月入太微西門西出東門人君不安大臣假主威而不從主命

月入太微中華西門而出中華東門皆為臣出令

月入太陰西門出太陽東門皆為大亂有喪若大水

月入太微廷有所干犯皆為臣下謀逆宜急求賢人用之

月入西門犯天庭出端門臣伐主

月行左右執法大臣憂相繫而死免者少

月行太微中出東掖門為相受命東南出德事也出西掖門

為將受命西南出刑事也土星同

月貫太微中而東出大臣出侯王並為主出其中門臣不臣



月犯太微四輔輔臣誅犯執法誅從其所中命之五星同  
月暈太微天廷天子發自用衛三暈之天子自臨兵以行有急  
謀者在軍中天子忌之

月食太微中若端之中天子兵起大亂兵將軍皆有憂天子

亡國

歲星以甲子日入太微天廷中天地所使也不以甲子日非帝所使  
也黃帝占曰木入太微色白潤澤期百八十日有赦齊伯曰  
木入太微由軌道而出諸侯有受封者

木東行入太微中出東門天下有急兵東行入太微廷歲不登

人民饑苦守之將相大臣御史有死者若入端門守天庭

大禍且至入南門出東門大旱五星同

木從太微南門而入逆行西門出國有大水

木逆行太微玉曆曰強臣凌主諸侯起兵

木入太微從右入留七以上人主憂留二十日以上人主大憂有死

喪

木犯執法大臣奪命

熒惑入太微天下不安甘氏曰臣謀逆一曰有立王一曰宮中有

亂又曰賊入宮一曰火入天庭天下饑一曰後三年有喪

火入太微留十以上有赦 河圖帝覽嬉曰火留止太微中  
為兵荊州占曰火入太微留二十日以上廷尉坐之天下大憂  
火入太微廷中春秋聖洽符曰帝族相攻天子憂荊州占曰  
天下驚有兵主人不安其宮一曰主命無期一曰大臣死臣  
多不軌天下倉閉人不得食天下饑留止人主有大憂  
火入太微太微至屏而留兵在宮中至屏南而出扇左將軍  
死出門扇左右將軍死

火犯太微左右執法及四輔不誅則死各以所中命之

火犯太微門右星大將死犯門左星火相死大臣憂執法有誅

火犯太微東南星天下大饑近期一年遠五年

火入太微出左掖門左將軍死出端門有反臣一曰火入太微南執法大用事出左掖門大臣誅

火以丙子順入太微中天帝所使也入而順去之不留者不為殃若非此日各以其占言之荊州占曰火入太微從右入留七日以上人主死玄冥占曰火太微無所犯守順度而出左右掖門視其所之之野天下謀之

熒惑恒以十月十一月入太微天庭受制而出行列宿伺無道之國罰無道之君失禮之君出而有所犯皆為天子誅若守之宮

三旬必有赦期六十日

火守太微端門臣謀逆若留止門外大臣戮死

火守太微廷中人主惡之

火守太微垣門外之左廷尉有事守門外之右丞相御史有事

守端門中二十日臣亂作主出走

火守左掖門左將軍死守右掖門右將軍死大臣皆有憂

火守太微六十日諸侯三公有謀上者一曰有戮者臣有亡國

火逆行入太微兵喪並起王者惡之若環繞勾已之天下更紀

火逆行犯上相天子戰于野上相死

火逆行天中不留天下有獄

火出太微天廷中有立國有徙王

鎮星犯太微女主持政強臣執權一曰亡君之戒

土入太微中大人憂一曰有德令

土入太微天廷中天子驚有兵色白潤澤則有赦

土入太微有所中犯乘守皆為天子所誅

土入太微天廷中留七十日以上人主憂之

土入太微右入七日以上人主憂

土入太微西掖門出東掖門君不安

土入太微中華西門出中華東門為臣出令

土入太微太陰西門出太陰東門天下亂有喪且有大水五星同土守太微石氏曰有亡國易世立王

土入太微留守之三十日以上黃帝占曰有革命大赦天下

土往來勾巳太微天廷中君臣俱憂

土逆行太微四輔左右執法而環繞守之所當死亡期一年

土逆行天廷后妃貴臣有匿謀

太白以庚子日順入太微天廷中天地所死也不以庚子日非

天地所便也

太白入太微行天庭中天子宮門閉大將被甲大臣誅死司  
馬彪曰有大兵入天子庭荊州占曰近臣兵起一曰主人自  
將又曰丞相御史尉有憂荊州占曰天子之廷太微西蕃第  
一星至東蕃第一星東下是也五星皆不當行其中石氏曰  
太白入太微留守之及有凌犯爲兵喪

太白入太微左掖門大將出出東南門伐出右掖門大將軍  
出西北伐皆不出期年

太白入左右掖門出太微陽東門強臣誅

太白入西華門出東華門大臣作亂謀其主若諸侯不足



王命

太白入太陰西門出東門天下大亂主死宮破有大水期一年  
太白入天庭中臣相殺國有恐荊州占曰太白金主西方北方入  
太微西南陽星入西方入二星之北為北方皆弑主之候也若  
犯帝座主事成不犯不成視其出所指留之宿國以知其  
所誅也

太白羸而入北太微大兵將入天子之廷出太微則宮中有兵  
太白順行當太微端為受制當左右執法為受事留太微  
門三日以下為受賜三日以上為兵為亂為賊為饑

太白犯太微主命奪以其所中者為天子所誅

辰星以壬子日順入太微天帝所使也不以壬子入非帝所使則殃咎

辰星入太微荊州占曰人主不安其宮天下驚有兵一曰天下有聖黃女子出陳卓曰天子宮中群臣相殺後宮有憂一曰大水傷人物期三十日

水入太微端門守天庭強臣奪主位

水入太微大陰門後宮破若有大水期百二十日

水入左右掖門而出東門天下大憂

水入太微門從東門出皆為天子有兵喪大水宮中有水湧地陷之災

辰星出太微宮中內亂天子當之陳卓曰辰星出天庭君臣相殺且有大水

辰星犯左右執法若守背為兵起有赦犯四輔臣誅若死喪以所中命之

客星流星彗孛干犯占

客星出太微天庭中有奇令陳卓曰有兵喪黃帝卓曰人主憂臣謀反兵起呂中曰執政臣有戮者海中占曰兵大起

大水入城郭若有所犯守各以其所中命之

客星出太微而留三十日以上君死國亡以其所出入日辰占國  
赤星出太微有立王一曰有徙王宮中有火災大兵起

客星入太微端門而出西門天下大水饑入端門而出東門

天下大旱五谷不成入端門而復出端門其國有大患天  
下亂以色占之入端門出左掖門其國憂大旱出右掖門

其國亂大水石氏曰客星入端門臣謀叛都萌曰賊主

称王命

客星入左掖門而東西門國有大喪貴臣有死者 入右

掖門而出端門小國亡出左掖門其國有小事出東門大  
國亡仍出右掖門國有客為刑事出西門大國以微亡入左  
掖門出端門國滅亡仍出左掖門其國大傷出東門有  
大喪出右掖門有大逆不道出西門國流血百里石氏曰  
客星入東西門而出左右掖門其國兵出幸臣誅死

客星入東門出端門甘氏曰國有憂出左掖其國作事不成  
仍出東門臣結謀出右掖門其國亡出西門國有憂出  
左掖門國有殃荊州占曰出東門有大喪黃帝占曰入東  
門出西門大國以微亡

客星入西門出端門甘氏曰國大亂都萌曰五谷不成出左掖門臣不用命出東門國多不祥 出右掖門國大敗仍出西門國有兵

客星入太微太陰門後宮有賊一曰兵起天下動

客星入太陰西門出太陰東門大水天下亂

客星入太微庭中而出端門天下亂人主憂國易政期三年

客星入太微中乙巳占曰兵大起有賊客入國守之十日不出其災成在陽為男在陰為女不出一月

客星入太微色白潤澤有赦色赤黃火大起有賊客入國兵

大起

客星入太微中十日成勾已天下有赦奴婢下賤人妻妾長庸  
期六月荊州占曰客星入太微十日宮中有自殺者在帝  
座南為男在北為女入二十日有赦

客星入太微中守天庭三十日宮中有賊大人憂之在陽為人  
君在陰女主當之 玄冥占客星入天庭后族為亂宮中  
有伏兵荊州占曰客星色正赤入太微廷廟廷中兵起  
客星入太微有所犯中者有殃 赤黃星狀如箒色潤  
澤入太微天子納美女出之天子美女賜諸侯荊州占曰

客星入太微廷中有一星天子自將兵出有二星天下無主有三星天下散亡

流星入太微端門者天子使也以所之之野命其所往之國星來為使復命以五色言其事吉其吉凶期不出二年

流星出太微東西門臣為亂大兵起貴人多死近期一年石氏曰流星出太微兵起大將出

流星出太微南門貴人有死者其數多則死者其衆

流星入太微有內亂兵起近西相也近東將也石氏曰流星入太微天庭避之吉不避者危所謂避者從左來避之從右來



避之左也。一曰流星入太微，廷中外邦以急，有使來不出其年。  
流星入太微，東西門大兵起，臣為亂，貴人多死。若有謀，近期三年。  
中二年遠三年。

流星犯抵太微四輔，左右執法各以其所中者言其死，以其日  
命國不出三年。

流星縱橫經行太微中，主弱臣強，四夷不制。

流星出太微，光照地有聲，有立王有失國之君。

流星而太赤，狀如浮舟，數出入天庭，有賊臣欲謀主人，主成。

出遊，奔星出太微中有立王若徙王。

彗字入太微天子妃后去宮人不安女主憂掃之天子國亡

彗字犯干太微天下亂有兵喪大人惡之以色占期亦為死

亡

彗字干歷太微所歷者亡

彗字如粉絮入太微守帝座國有大喪大臣立天下亂大兵起有所犯各以其宮命之

彗字出太微天下亂宮中火災兵起大人死國易政以色占其國凡

彗字干犯天庭皆為天下革命

雲氣干犯占

太微垣中有雲氣如鳥諸侯謀為天子有中人應者

赤雲氣出太微兵起一曰有立王

黃白雲氣出太微宮中上如其有光人主壽昌

青氣起從五帝座經出南門不出九十日人主失其宮天下不安

青氣出左右掖門兵起將憂

赤氣杯碗正圓如太微中天子用璧賜諸侯

赤氣出東西掖門兵起將受令

赤氣如彗出箒出太微天子宫中財寶出一日美女出

黃白氣出東西掖門天子出德令

黃赤氣如彗箒出太微中天子以錢物賜美女

赤黃氣入太微垣中太子以錢物賜諸侯王

黃白氣出太微有立王

黃白氣入獸出太微天子以畜賜諸侯王入之則為有貴奇

獸者

赤氣直指太微帝座左右有內亂兵起天子驚

赤氣入東西掖門內亂兵起

黃白氣入東西掖門天子有喜

赤黃氣潤澤入太微中天子有喜事

黃赤氣潤澤如箕箒入太微中女子有喜

黃白氣狀如杯棬正圓入太微有貢璧玉者又曰幸臣有獻

美女者

白氣入太微宮中兵自外來有喪

蒼白氣入太微東西掖門天子憂喪事出則禍除

蒼白氣入左右掖門內兵起

蒼白氣如人及走獸入太微座旁有反者

蒼白氣如走獸入抵太微天子有憂

黑氣入東西門若左右掖門大人憂

白氣若黑氣如蛟龍如蛇舟車繞太微庭而入之臣弑主氣  
上赤下白如大井口從外如壓太微庭者邪臣之氣旁  
中而中赤者近臣欲為廷直者貴臣之氣

黃白氣如蛟蛇及龍形太微宮闕上有白衣之會若環繞太  
微天庭則為逆亂死喪赤黑青氣同此皆亂臣讒賊之  
氣也

雲氣如馬太微中有姦臣在宮中通外謀

虹入太微有謀逆者視其所起占之

又漢昭帝元始中太白入太微西蕃第一星北出蕃第一星東北  
下去太微天庭也太白行其中宮門當闕大將被甲邪臣  
伏誅其後左將軍祭驃騎將軍安及長公主燕剌王謀作  
亂皆伏誅

哀帝元熹元年十一月歲星入太微逆行犯右執法占曰大臣憂  
執法者誅君罪有二年十月戊寅高安侯董賢免太司馬  
歸第自殺

王莽地黃四年秋太白在太微中光燭地如月占曰太白入

太微天庭太白為兵羸而北入太微是大兵將入宮也是時莽遣兵至昆陽為光武所破漢將鄧暱進攻京師十月殺莽大兵蹈籍宮庭之中更入長安復敗赤眉立劉盆子為天子皆以大兵入宮廷是其應也

漢光武中元三年八月丁巳火犯太微西南角星相去二寸西南角為將相後太尉趙熹司徒李訢坐事免官在王莽地皇四年後

順帝永和三年前

順帝永和三年八月己酉熒惑入太微曹騰等爭權白帝言